

重修靈寶縣志卷之二

邑令涪陵周 淦

編次

署令金陵方胙勲

建置志

城池
渠堰

衙署

公廨

壇廟

坊第

橋梁

先王建國命司空掌土度地居民置官師隆典禮辨上下厚風俗其道舉寓諸此雖在一邑而大典攸關百世不廢靈寶爲中州名邑其所建置載在舊志者釐然可舉但其間興革不一端修舉非一人倘或令其湮沒弗著漸恐經畫區處並不知何代何時而創垂之先哲莫稽誰氏是亦當事者之責也志建置

城池

按縣城始建未詳明景泰元年邑令夏永甯重建城週三里六十步高二丈五尺厚一丈七尺梁口一千其門三東曰來紫西曰拱華南曰歌薰至南之東又有門三中曰洙泗宮牆左曰禮門右曰義路前臨泮池諸生遊泮時始啟嘉靖八年教諭李淑洪重修崇禎年間邑令谷萬方修城時併梁口一千爲五百用磚包西城一面東城十之七南城四十丈北城二十丈因遭流寇工未告成池本寬深一丈有半

國朝順治十三年前令梁儒重鑿康熙十五年大水復淤
前令尚天祿添建城樓三座東曰仙令閣西曰觀瀾樓
北曰介眉樓二十三年前令江繁又於南城建樓曰三
異樓復鑿池沿壕植柳數百株雍正五年前令程世綏
加築土堤嘉慶二十四年九月地震城坍前令呂子珏
請帑重修共用工料銀二萬三千九百餘兩較前完固

衙署

縣治在城北明季寇燬

國朝康熙十一年知縣任自宏重建厥後官斯土者增葺

悉難稽考今計大堂五楹左庫藏右稅櫃捲棚三楹兩廊書吏房十四間中爲戒石坊儀門五楹班房各四間門樓五楹照壁一座左右牌坊東曰桃林古地西曰函谷名區宅門內二堂三堂四堂五堂各五楹左右廂房共十四間東西花廳南北各三間西書房五間廚房西廂房共十六間

教諭署在明倫堂後

訓導署在明倫堂西

縣丞署在號畧鎮

距城四十里

典史署在宏農書院後

有記詳藝文

把總城守營署在城內東街

公廨

常平倉在縣治西前令霍濬遠建廩房七座共房三十
四間

預備倉在縣治西雍正十二年建廩房七座共房四十
四間

新建倉在南街學宮東康熙四十四年建廩房九座共
房四十四間

養濟院在西門外原有地基六分九厘八毫建葺正房三間東西房二十四間門樓一座

普濟堂在東門外原有地基一畝九分二釐九毫雍正十二年建葺上房三間廂房三十二間門樓一座

桃林驛在縣治東原建差廳主間左右麩料房各一上房三間東馬號七間西馬號六間驛夫房五間現圯監獄在縣治西原建南廩三間北廩三間西廩三間女廩一間獄神廟一座週圍磚牆一道高二丈底厚二尺頂厚一尺五寸

大公館在南門外原建上房四間廂房十四間暨大門二門共房五間

東接官廳在東門外同治十二年前任周淦重建

西接官廳在西門外函谷關前同治十二年前任周淦重建

考舊志有分汛營布按分司府館遞運所陰陽醫學僧會道會司稅課司育嬰堂等公所今廢

壇廟

按邑中祠宇林立除文廟另詳學校外茲就有關祀典

春秋致祭各壇廟詳查開載餘列寺觀以昭區別

社稷壇

在西關

神祇壇

祀風雲雷雨山川城隍在南關

先農壇

在縣東三里前令程世綏建有部頒圖式藉田畝分

朝日壇

在縣南五十里淪渡口

夕月壇

在縣西南六十里巴婁村

邑厲壇

在北城後同治十一年前令周淦建

文昌廟

在城內南街

關帝廟

在東關同治十三年前令周淦重修碑記詳藝文一在演武場

禹王廟

在西關

伯王廟

在縣東南三十里胡家原每年八月十五日陝州及本縣遣官致祭一在東關

城隍廟

在縣治西街

火神廟

在城隍廟東南

馬王廟

在縣治東

龍神祠

在縣東南十五里五帝村一在東關同治十二年前令周淦重修

八蜡祠

在南關

夏直臣祠

在東關

雙烈祠

在東關祀康楊二節婦有記載藝文

劉猛將軍祠

在東關

金姑娘娘娘祠

在東關

許名臣祠

在城內東街祀明許氏父子四尚書

三聖祠

在縣治西

李忠臣祠

在城隍廟東

江公祠

在夫家山下祀前任知縣江蘩

坊第

舊誌曰邑中舊多坊表流寇既陷城走欲於潼關築堅城利碑坊之石巨而且近遂拆運以去僅存三耳其餘

名公元老孝子節婦之表豎蕩然一空不亦深可惜哉
幸坊毀而名猶存備志之亦存羊之遺意也

德配天地坊

道貫古今坊

俱文廟前

騰蛟坊

起鳳坊

在泮池左右前令張繼善建

育賢坊

在縣治東南通儒學

文獻名邦坊

在縣治前

名臣祠坊

爲許襄毅公莊敏公文簡公恭襄公立

天官坊

人冢宰坊

吏部尙書坊

兵部尙書坊

太保坊

少司徒坊

一椿先秀坊

鄉貢坊

進士坊

繡衣坊 俱爲許襄毅公立

尙書巷坊

太保里坊

父子四尙書坊

俱爲許襄毅公莊敏公文簡公恭襄公立

羣英坊

爲許襄毅公及舉人張潭堯茂立

父子冢宰坊

爲許襄毅公文簡公立

兄弟司徒坊

爲許莊敏公文簡公立

翰林學士坊

進士坊

黃門清要坊

國子祭酒坊

聯魁坊

吏部侍郎坊

戶部尙書坊

俱爲許莊敏公立

進士坊

學士坊

刑部尙書坊

戶部尙書坊

黃閣清風坊

青宮太傅坊

黃閣輔丞坊

春曹玉容坊

南宮大夫坊

五馬刺郡坊

聯璧坊

俱爲許文簡公立

進士坊

夏官職方坊

大司馬坊

經元坊

俱爲兵部尙書許恭襄公立

四世執法坊

爲都察院掌院許進右副都御史許論左都督許茂櫛太子太保左都督許浩然立

五桂聯芳坊

爲許詔許誥許讚許詩許言

世科坊

爲經元許詔立

贊揚風紀坊

爲都察經歷許詞立

殫勤任事坊

爲長蘆運司許詞立

進士坊

繡衣坊

俱爲御史楊鍊立

鄉貢坊

都憲坊

俱爲何濬立

世科坊

爲勅封都御史何濬戶部侍郎何鈞刑部員外郎何鈇臨洮府同知何繼武立

世科坊

爲鄉進士何濬賜進士何鈞鄉進士何鈇賜進士何鈇鄉進士何延吉立

進士坊

牙繡坊

都憲坊

俱爲何鈞立

進士坊

爲員外郎何鈇立

世科坊

進士坊

左方伯坊

俱爲布政司楊惟康立

關河俊秀坊

爲舉人賀貢彭範許佃許任許份王聘焦冕許茂梅許茂挺立

世科坊

爲舉人趙友書立

攀蟾坊

爲舉人陳素立

折桂坊

爲舉人楊瑀立

御史坊

爲監察御史賀貢立

會試經元坊

都諫議坊

俱爲給事中彭範立

世科坊

爲舉人彭公溥立

登瀛坊

爲舉人張潭立

步月坊

爲舉人胡斌立

騰蛟坊

爲舉人趙彥章立

鄉貢坊

進士坊

俱爲御史李廷光立

嗣秀坊

爲舉人許伸立

豸繡坊

爲御史胡諒立

光祿坊

爲署丞焦詔恩立

義活萬人坊

爲引禮焦紹輔立

重光坊

爲舉人許儒立

鄉貢坊

爲舉人張澤立

解元坊

爲萬厯庚子科荆時薦立

官預二倉坊

在倉巷口

大中丞坊

少廷尉坊

俱爲許默齋公立

貞節坊

爲呂才妻李氏立

貞節坊

爲王建中妻秦氏立

烈節坊

爲生員楊宋妻康氏立

貞節坊

爲蘇六妻屈氏立

以上俱廢

橋梁

雙虹橋

在縣城西宏農湖上秋暮成梁至夏而撤以避冲毀

文通橋

在儒學泮池左右前令張繼善建霍濬遠重修厥後傾圯同治十一年前令周淦重建

沙河橋

在稠桑二十里

好陽橋

在城東十里

曲沃橋

在城東二十里

店頭橋

在城南十五里

號州橋

在號畧鎮東

南村橋

在城南六十里

五畝底橋

在城南六十五里

宋曲橋

在城南七十里

崔家磨橋

在城南七十里

薄龍灣橋

七十五里

台頭橋

八十里

長橋

一百里

峽裡橋

八十五里

朱陽橋

一百里